

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YB PUAN SITI ZAILAH BINTI MOHD YUSOFF
[RANTAU PANJANG]**

SOALAN :

YB Puan Siti Zailah binti Mohd Yusoff [Rantau Panjang] minta PERDANA MENTERI menyatakan secara terperinci kerugian yang ditanggung oleh Kerajaan akibat daripada banjir besar yang melanda Kelantan dan langkah-langkah pemulihan segera membantu mangsa banjir.

JAWAPAN: YB DATO' SERI DR. SHAHIDAN BIN KASSIM
MENTERI DI JABATAN PERDANA MENTERI

Tuan Yang di-Pertua,

Kerugian yang ditanggung oleh Kerajaan Persekutuan akibat banjir tahun 2014 di Kelantan adalah dianggarkan sebanyak RM1.059 bilion.

Sebagai langkah pemulihan segera membantu mangsa banjir, Kerajaan menyediakan tiga program bantuan iaitu program bantuan wang ihsan, program pembinaan rumah kekal baru dan program pembaikan rumah.

Untuk program bantuan wang ihsan, Kerajaan telah memperuntukkan sebanyak RM36.9 juta untuk membantu seramai 73,885 ketua isi rumah mangsa banjir di Kelantan sehingga 19 Mac 2015. Setiap ketua isi rumah akan menerima wang ihsan sebanyak RM500. Peruntukan wang ihsan disalurkan melalui Majlis Keselamatan Negara, Jabatan Perdana Menteri.

Untuk program pembinaan rumah kekal baru, sebanyak 1,918 buah rumah kekal baru telah dikenal pasti untuk dibina di Kelantan. Daripada jumlah tersebut, 1,346 buah akan dibina oleh Kerajaan Persekutuan dengan kos sebanyak RM48,000 sebuah manakala 572 buah lagi akan dibina oleh Kerajaan Negeri. Peruntukan untuk program pembinaan rumah kekal baru disalurkan kepada Kementerian Kerja Raya.

Kerajaan juga telah memperuntukkan siling sebanyak RM10,000 untuk program pembaikan sebuah rumah. Setakat 19 Mac 2015, sebanyak 960 buah rumah telah diverifikasi dan disahkan layak untuk

menerima peruntukan pembaikan rumah di Kelantan. Peruntukan untuk program pembaikan rumah disalurkan melalui Kementerian Kemajuan Luar Bandar dan Wilayah.

Sekian. Terima kasih.